

樂吾韓先生遺稿序

吾浙文成公倡明絕學為斯
道盟主寓內擔簦從游者履
常錯戶而與公聞發良知彭
吹登壇者海陵心齋王先生
稱最著云心齋歿其仲子東
崖心印其傳執淮南牛耳而



昭陽樂吾韓先生家世業陶
甯為陶時輒會悟曰陶必有
型而後成完器洗心陶也者
寧獨無型乎海上東崖先生
余心陶型也於是負笈造學
時先生肘披踵決正厯糾躋
人謂先生宜為望腹慮先生

頌槃曰所謂望腹者望芻豢
乎望理義乎融融洩洩胸次
迥然仲子登其抱璞館真雅
有聖質為之提醒點掇由麤
入精吮其玄髓噉其薌臠已
設講席化誨生徒凡出其門
者人人薰以善良博帶裛衣

宛於道今先生駢筭乘軋
者已越世載而弟子會業於
先生之祠者寒暄不勸且綜
緝遺製捐鍰鏤刻以泐不朽
余素艷高蹕邊於修途茲得
其概於集甫黃生生代弟子
丐言以巔裂額余披先生詩

章大都燁藻性竅擷吐真機
洋洋灑灑流於天籟味其詞
想見其人殆行檄膠葛而裊
羅緯象者乎是以型東崖氏
者世世為弟子型也余將過
其祠宇以挹高士之風云
萬曆歲戊戌孟夏之吉

浙西後學余尚友頓首拜撰

刻韓樂吾先生詩集序

夫言心之藪也心不可見借可見之迹以寫吾心故寄興者其詞逸騷闡道者其旨雋永詩三百篇大抵探玄抉微所作哉厥後濫觴於晉他草蕪泥非不爭妍閎巧而鏤刻畫於道蝕矣我

王薛四大

嶠

海內倡性命

之學以

有吳陵王心

齋先生

齋之後又得

我樂吾

使朱程教百

年不傳

大明中天而之

發為詩也皆道也韓世業陶以

朴茂居東海至先生猶未從業

然器不若窳識者知為有道氣

象語具

督學耿公陶人傳中先生性自

樂宇內一切齷齪不櫻其中飄

然物外隨境隨適嘗結廬湖干

聚徒講學屢空晏如也值歲侵

兵燧歷寒暑講不置客至摘野

蔬自給抱膝長歌若出金石聲

或行吟水堦覓鳶魚趣得句輒

示同志亦有不得時不取必也
然皆務闡發道真印證心體不
期為月露之形而已卒時年七
十有七遠近赴吊哀教徹野咸
謂道統或孤

邑大夫凌公高其行誼祠而祀
之十有餘年諸弟子輩復檢遺
稿得詩若干請就剞劂以誌不

朽謂予與樂吾相知最深因屬
呂序余曰是烏足見先生哉先
生之道上續真傳下開來裔行
將從祀

廷以綿俎豆此不過心之文而
不能詩者則匠之心也是曷足
見先生哉諸弟子曰唯！請以
此言識諸編中庶見吾韓師矣

時

萬曆歲次戊戌仲夏中元日

迪功郎荆府典簿兼都梁王府
教授九十翁卓亭宗彝拜撰

耿督學楚侗宗師傳

有陶者韓樂吾氏名貞居蓬屋三間陶甃
為生常假貸于人為甃甃坏為雨壞負不
能償并其蓬屋失之居破窑中聞樵者朱
氏風從之學朱物故卒業于王先生仲子
漸習識字粗涉文史嘗自咏曰三間茅屋
歸新主一片烟霞是故人簞瓢屢空衣若
懸鶉晏如也年逾三紀尚錄仲子倡義屬
門徒醵錢助之婚婦初歸日筭餘一二裙

布盡分給所親與之約曰吾志希梁鴻吾不鴻若非而夫尔不孟光若尔非吾妻也買蒲日為程令織鹽囊易糶以給朝夕作饘已肅共之如賓焉後聆先生學有得毅然以倡道化俗為任無問工賈傭隸咸從之游隨機因質誘誨之化而善良者以千數每秋獲畢羣弟子班荆跌坐論學數日興盡則拏舟偕之賡歌互咏如別林聚所與講如前踰數日又移舟如所欲往蓋徧

所知交居村乃還翱翔清江扁舟汎汎下上歌聲洋洋與棹音歎乃相應和親聞者欣賞若群仙子嬉游于瀛閩間也有縣令程聞而嘉賞之遺米二石白金一錠受米而還其金致書謝畧曰儂婁人也承明府授粲拜領一石瓶貯以給數月饗殮餘一石分給親友以廣明府惠金惠過渥非婁人所堪承也令問政對曰儂婁人無能輔左右第凡與儂居者幸無訟牒煩公府此

儂所以報明府也令檢案牘稽之果然益
敬禮焉李元宰時休沐在里數招見之互
談契洽李公益重其人余典學南畿時寓
書屬余嘉獎以廣厲士風余因致禮加幣
且執禮喻之令其必受渠乃受之買牲祭
王先生祠分胙于其同門後余巡校泰州
謁先生祠渠來謝與之坐余偶觸境示諸
生性無加損處因述故相某取高第位極
人臣矣一旦以細淺不得意且熱中失常

云渠在旁不覺狂發拊膺歎曰安能如儂
識此些子意耶余莞爾曰世固有大行不
加者能不加即不損窮居而意氣有加亦
損也其師王仲子謂曰韓生識之大行窮
居須一視焉可也渠重領云嘗與諸名公
卿會論學問有譚及別務者輒大譟曰先
陰有幾乃為此閒汎語或稱引經書相辯
論則又大恚曰舍却當下不理會乃搬弄
此陳言此豈學究講肆耶諸名公咸為悚

息識者謂其氣冲牛斗胸次怡怡號曰樂
吾不虛云



國家圖書館. NATIONAL CENTRAL LIBRARY. TAIWAN. R.O.C.

樂吾韓先生遺事



許子桂

李長敷

吳詰

沈除復

李長吉

李長繼

朱應達

吳世進

全輯梓

張國禮

張先躍

劉永

先生姓韓名貞別號樂吾揚州興化東鄉人世業陶
生于正德四年己巳十月二十四日生之日其祖塋

有白氣貫天三晝夜方散又傳生之年其鄉鵲巢中

離一鸚鵡人以爲先生之瑞云

先生五歲時卽手握芦管尺許就地畫字謂其父曰

送我上學堂父不許十一二歲時束茅作筆自於磚

NATIONAL CENTRAL LIBRARY, TAIWAN, R.O.C.

上沃水學字

十五歲時其鄉疫大作父母伯父母伯兄皆病先生以一身侍藥餌不足則負薪于市得數錢易米藥以進勞苦萬狀手足破裂流血不少懈已而父見背貧不能具棺衾乃爲人傭牧牛得錢數十貫以葬父牧牛少暇仍負薪易米升許以給母與兄主人憐而釋之不責負後歸復業陶積磚數百以償主人感動遂與之訂交

嘉靖六年母故先生悲悼二親不置因有感佛氏冥福之說持齋報恩及聞師朱光信講堯舜孔顏之學所謂孝悌之道豁然大悟其非遂棄佛歸儒光信教以孝經小學識字文學自此而始

嘉靖十二年朱光信先生見其篤學力行嘉其志引先生至安豐謁王心齋先生時心齋大倡理學門下皆海內名賢先生布衫芒屨周旋其間衆不加禮不得列坐次惟晨昏供洒掃而已然先生卓然自立不苟笑語時門下士有笑其蓑衣爲行李者先生題詩壁間曰隨我山前與水前半蓑霜雪半蓑烟日間着

起披雲霓夜裏攤開抱月眠寵辱不加藤裸上是非
還向錦袍邊生來難並衣冠客相伴漁樵樂聖賢心
齋見詩問知爲先生顧其子東崖曰繼吾道者韓子
一人而已製儒巾深衣以詩贈之曰莽莽羣中獨聳
肩孤峯雲外插青天鳳凰飛上梧桐頂音響遺聞億

萬年

嘉靖十四年春辭心齋先生歸儒巾深衣衆皆笑其
狂兄呵之曰吾家素業陶小子不務本反學遊何爲
痛撻之毀其中衣先生夷然不變其志徐數日從容

謂兄曰兄前日責我恐我遊學惰其四肢自從朱師
學得勤字今從王師尤學得真切不費氣力一日有
二日之功一月有二月之積一年有二年之用先使
兄伯母一家得所盡得子弟之職然後再去問學豈
敢惰其四肢以失孝弟虛頂儒巾作名教中之罪人
耶兄爲之悟

嘉靖二十三年歲大旱族人負官租者連繫先生因
往海上求爲童師期得束修以代償不得則走海中
爲人煮鹽煮鹽子業最苦先生弗憚也得工值卽持

以分族人而猶不足適諸生翟姓者見而憐之爲之
糾蒙童數十人因先得束修若干星馳赴縣代完通
族所逋官稅邑令義其舉置擗掉以表之曰仗義仁
族由是邑中人人賢韓先生

嘉靖二十四年先生名大振遠近學來者門外屢常
滿倦倦以明道化人爲己責雖田夫樵子未嘗不提
命之厭其意而去來學者不納其贄間有以誠至者
暫封貯之後有不善卽挈還其人

邑諸生楊南金訪先生見其篤學勸以攻舉子業時
年三十有七矣從事三月稍稍能文因隨楊試南都
見其蓬跣入棘慨然謂楊曰大丈夫出則爲帝王師
處則爲百世師所以伊尹三聘不起方大有爲也今
冷文而如此求名非銜玉求售枉已而何謝而歸復
業陶揚與之以妹許配焉楊旣歸先生先生謂楊曰
爾兄豈無富室可配爾今歸我貧士蓋謂我梁鴻耳
吾不鴻非爾夫爾不光非吾妻也開其笥餘一二裙
布盡分給所親有脂粉綵勝悉火之令之織蒲爲業
楊亦安其貧夫婦相對嘗如嚴賓人以爲有舉案之

風

嘉靖三十三年歲復大旱先生自爲童子師妻織蒲自給少有餘卽分給所親前先生構有講堂三楹以待來學之士至是因鄉民饑因拆賣之得米麥數斛以給親族鄰里鄉人以不飢至麥秋熟鄉人感其義爲再構講屋三楹一時遠近聞之助工者甚衆堂因較前倍廣焉

先生嘗謁孔廟歸次東平暮宿旅店店中妓狎之先生嚴詞拒曰爲謁孔廟而來今夜不知悞投汝家也

又狎之則閉門靜坐天明起謂妓曰昨因悞投致爾未納它客少有所與以償汝留之飯不應懇名姓不對而去後有邑人過之效道其狀乃知爲韓先生先生嘗自安豐夜行遇盜先生言于盜曰今夜三君子勞苦矣知君子非候我者望有富人夜行可足三君子之用柰我貧士也然少有束金五錢衣一襲愧不多若內衣則吾斷不能裸形躄盜持示金去已而驚相謂曰此莫非韓樂吾先生耶追問之果然賊曰我等小人冒瀆夫子死罪今而後改過矣置所掠而

遁

邑民孫本元死目不瞑妻翁氏泣曰夫先行我當隨來仍不瞑翁氏遂自縊尸傍先生聞而吊之見其遺孤纔七月卽以已女許配抱孤歸養命妻分女乳乳焉長以爲配之名孫心

廣德遊學士王臣者至邑中途窮絕糧聞先生素好義卽携妻子投先生先生爲館穀之居月餘以妻子托先生別遊先生命妻伴之教以織蒲自給足不至中堂者六七月凡衣服飲食皆必先所托而後及其

私王回爲之感謝泣下

泰州民葛成年七十矣止一九歲子因逋官租携兒賣市中遇先生得其情卽出嫁女買布金二錠與之命携兒歸州民聞之來延先生至其境從者千餘家中
有持白蓮左道者先生作詩諭之曰孔顏堯舜道爲尊只在尋常孝弟中宇宙滅倫皆佛教乾坤建極幾賢人異言邪行何時息正學中行甚日新地獄天堂皆自悞恐遺身後悞兒孫于是各焚彼道經冊數年之內男女有別人皆向正號爲海邊夫子

縣令程慕先生賢鄉飲大賓盧左待先生先生謝致書曰某鄙陋之夫素踈禮儀承明府作養自愧自責不遑焉敢妄列衣冠有負明典惟願明府推愛某一念達之羣庶使人人戶戶知孝知弟爲忠爲信則人人鄉飲戶戶鄉飲政平訟息俗美化成其恩奚啻一鄙俗之夫受明府之寵渥耶又上詩一律云

先生從事心齋時海內名士共學者如唐公荆川羅公念菴王公龍溪歐陽公南野鄒公東郭董公蘿石李公石鹿皆海內名賢咸與先生同門分席後諸公

登第居要各致書幣相徵而先生辭幣受書動輒以自修不及爲愧願諸公不負所學爲望答之竟不一見也後荆川唐公親書流芳二字寄之蓋不勝契慕云

嘗有二遊客訪先生于家與之縱談學三月餘二客曰樂吾真非常人也可語大事乃謂先生曰吾兩人曾遇至人親傳大道潛隱名山有年矣遠聞盛德而果如所聞者願盟于天日之下共證長生先生默然良久曰吾學孔子者孔子曰朝聞道夕死可矣長

生久視吾弗爲之二公又曰且莫道長生眼前窮日
子亦難吾能煉水銀爲黃金不可稍濟貧乎卽取懷
中丹點銅立成金先生笑曰貧吾分內事也此物非
分所當有吾弗願取之二客嘆曰韓子德厚而福薄
行高而識卓者也遂分袂而別

有諸生張樂吾貢受軒者皆講學士會先生於武林
陽明書院二生奮然誓棄鉛槧願同先生轍迹海內
共新斯世先生曰二公所云乃苦於場屋一時意氣
耳非出處之正也古人爲學各隨分量蓋共在我縱

不高第而倘一小就亦可以維持斯道少補頽風結
槧何用棄哉後二生各爲博士貢致書先生曰僕率
諸生專以文字爲首務而道學爲時所忌絕口不敢
一談竟如之何先生答曰持此主意做官有所畏而
不爲豈非患得患失他日倘有司牧之任持此主意
一轉移之又將有所利而爲之非學也後過東平聞
貢敷教過嚴乃作詩于明倫堂屏內諷之曰玉姬途
泣問如何有女同盟不嫁夫今被錦衣郎誘去百年
遺我獨支吾貢見知爲先生追之弗得後果被謫歸

造先生之廬猶慨然有用世之意先生曰此時鉛槧
却可棄也如再出豈吾儒出處之正耶

隆慶三年邑中大水田廬俱沒人心洶洶思亂邑令
李公對泉憂之請先生令化災民乃率其門人駕小
舟遍歷村落作詩戶喻之曰養生活計細思量切莫
粗心錯主張魚不忍飢釣上死鳥因貪食網中亡安
貧顏子聲名遠餓死夷齊姓字香去食去兵留信在
男兒到此立綱常民之爲感動故雖賣妻鬻子而邑
中無雀符之警先生之化也

縣令程聞先生賢而嘉賞之遺米二石白金一錠
米而還其金致書謝畧曰某窶人也承明府授粢拜
領一石瓶貯以給數月饗殮餘一石分給親友以廣
明府惠金惠過渥非窶人所堪承也令問政對曰某
窶人無能輔左右第凡與其居者幸無訟牒煩公府
此某所以報明府也令檢案牘稽之果然

督學耿巡校泰州謁王心齋祠先生在坐耿偶觸境
示諸生性無加損處因述故相某取高第位極人臣
矣一旦以細淺不得意且熱中失常云先生在旁不

覺狂發拊膺歎曰安能如某識此此予意耶

先生嘗與諸名公論學有譚及別務者輒大譟曰光陰有幾乃爲此閒汎語或稱引經書相辯論則又大恚曰舍却當下不理會乃搬弄此陳言此豈學究講肆耶諸名公咸爲悚息

直指某者聞先生賢造其廬先生送之及門而止直指惡其簡意殊不快遣一吏伺之見先生鶴立門內詢其故對曰予分民也不敢以主人自處以客禮送大人今特心送耳吏還白直指爲之增敬

有一野老問先生曰先生日講良心不知良心是何物先生曰吾欲向汝晰言恐終難曉汝試解汝衣可乎於是野老先脫襖襪再脫裳至禪不覺自慚曰予愧不能脫矣先生曰卽此就是良心

有隣人缺殮貸粟于先生適先生亦乏所餘僅足供明晨而已慨然欲應之其妻頗有難色曰無幾今晚與彼柰明晨自給何先生曰吾所缺乏猶在明晨斯人則在今晚矣遂與之

有一人已晰先生爲人欲試之適先生有麥秋乃

作一券造先生曰往有負今幸有獲能相償乎先生愕然良久徐謝曰予偶忘之耳乃如數與之畧無吝色其人咲曰予特試先生實無負也還其表而去先生曾舟行適他刺舟者悞以纜墮其中入水中其人知爲先生惶恐請罪先生咲曰無與汝事我坐太高耳使我坐得其所何令汝落我帽耶相謝而去先生道範嚴肅卽倉遽中不改其度一日途次遇雨衣衫沾濕而步履安閒旁一人謂曰雨甚曷不速行先生應曰前面得非雨乎徐徐如故

李文定公未及第時同遊心齋王先生門休沐在里造其廬訪之先生謂曰公以書生中狀元書生知遇之極也以狀元爲宰相人臣知遇之極也山林廟廊豈兩事耶願公與人爲善使匹夫匹婦化爲堯舜之民則今日狀元宰相當爲萬世狀元宰相可謂不負知遇之極矣文定公爲之首肯曰向聞先生講學邑中耳不意所造乃若此明揚側陋之典老夫實有愧矣

先生于萬曆十三年八月初九日卒享年七十卒之

樂吾韓先生小像



日召門人至諄諄以明道淑人爲囑言不及他已而危坐以逝邑侯武林凌公特祠祀之商丘楊公來倡明理學慕先生之風春秋祀以少牢著爲令尚謀祀先生于鄉賢以公擢去不果然至今朔望日其門人猶拜祠下相與詠諷講習竟日而罷以爲常

先生道範格言當不止此然先生所爲大都于世法不合且以一布衣處隴畝間故人多不樂傳而僅僅止此也雖然譬之鳳一毛豹一斑謂不足見先生可乎

學人許子桂等謹識

樂吾韓公像讚

心曾愷霽像貌龐雍精研聖哲奮起陶墉樂
道安貧憂世憫窮游心齋門步陽明扃闥闡
心學覺悟旨宗化俗破愚操梓擊鑪主善為
師聚義為朋百發一機四方景從展也善人
綽哉高風噫斯道之明如日方中繼往開來
伊誰有功我觀厥心思與聖同或瞻在斯知
我韓公

楚場道叟九十翁章亭宗彛拜撰

讚

韓夫子像

見先生之像如見先生見先生之形如見
其心先生之心心乎道真斯像常懸斯道
常存倚歎先生啓我後人

門人劉鳳錐頓首書

本縣邑侯程亦川公屢請鄉飲皆辭
侯躬造其廬延入范文正公祠內率閩邑

民講學風動負笈者衆屢

賜粟帛匾旌其門曰

敦行正俗 又匾曰

淮海高士

李文定公寄韓先生手書

遙聞講學邑中邑中之人皆信從興起誠能動物非聲音味貌者比也兒輩相接當賜教迪尤感餘不能悉

李文定公匾其門曰韓善士祠

本縣邑侯歐陽公聞祠宇落成

特賜匾諭韓隱士興教化俗可謂一鄉之善士諸門人能思於既歿之後可謂不倍本矣俱有可嘉准給輔仁堂匾一面以垂永久

兩淮都轉運鹽使司分司周公仰慕其德特立木主於王心齋先生祠內配享

儒學余師道守於

萬曆戊戌仲夏

盧其堂

明道淑人

儒學謝師

贈匾曰尋到樂處

贈匾曰超然自得

儒學張師

題匾曰舜之徒復贈詩一首

東海高人韓樂吾只憑真實做工夫河濱
漫道同陶業一念雞鳴是舜徒

孫

復舉敦誦講學呈切見隱士韓貞

素行端莊取重鄉評久矣邇年雖逾七十志
氣尚未昏忘病患雖中半身動履尚能起坐
言語雖若寒澁化誨尚爾慇懃所謂耄期稱
道不亂惟日孳孳斃而後已者斯人足以當
之矣今家無并日之食妻織蒲子力耕以養
之昔年鄉飲曾錫巾服矣今年存問又貺布
粟矣敬老尊賢本縣曲盡矣合無查照

朝廷養老事例月給米若干斗歲給布若干

足綿若于斤館於城中靜室行鄉約畢令各
約正齋詣彼領教但勿多勞庶百姓之所願
安者
安之本縣之所願化百姓者
而此老
聲教之達易易矣伏乞
上裁

本縣邑侯凌公特賜粟帛匾旌其堂曰篤信
聖道又賜深衣幅巾敦請鄉飲

啓曰伏以禮崇鄉飲惟尚德以尊賢詩謹
賓筵用敦善而明化欲光膠庠之盛典必
待清修之吉人自古有行於今特重恭惟
大鄉望樂翁韓老先生執事下海濱高士
天下奇珍誦詩讀書樂堯舜之道於畝畝
韶光養晦追巢許之跡於林泉皎皎恐其
自污孳孳不忘蒸善絕并分少鄉隣感推

食之恩解忿釋爭與豆成敦厚之俗問學
原於心悟志於本於天戈妙論梨花春頓
生於座上仁風偃草水滸洋於池中器擬
瑚璉清拂桐江之水光聯奎壁賢追渭汜
之風姓名久齒於縉紳蒼譽夙稱於遐邇
東湖設榻亭遊孺子之庭南浦飛雲目極
文中之緝可以繼藍田之芳躅可以承伊
洛之真傳是誠感世逸民豈惟儒者高蹈
茲維十月之朔舉行鄉飲之期敬設鼓鐘

維

萬曆十三年歲次乙酉十一月丁酉朔越
二日己亥

知興化縣事錢塘凌登瀛致奠于

明故隱士韓先生之靈曰先生崛起海濱淳
質天植壯始知學即慕聖賢行始於敦倫
功先於慎獨尋師問道涉遠窮年遂能默
契本真感召來學人知從善鄉有淳風同
志自遠方來盜賊歸其所掠豈獨一鄉之

善士可謂

聖世之逸民業已禮于蜡賓恨未愜于執饋
忽膺末疾弗替動修訃音來傳嗟悼累日
人云亡矣不朽者存澗藻是將表茲懿德
尚饗

建祠帖文

直隸揚州府高郵州興化縣爲請給官地以
崇風教事據本縣民劉理等呈稱本縣已故
隱士韓貞生前篤行好學苦志清修居鄉則
表正一鄉向善則與人爲善兢兢業業孳孳
汲汲斃而後已蒙

臺屢賜優禮學憲旌勵去歲身故通學生員
并申明亭老人呈稱作興蒙准批行禮房賜
待典祭儀扁其墓坊恩戴無極今在門之徒

感德難報思慕不忘欲建祠堂各備資財祀
立香火查得字橋里官地壹段即係楚大夫
舊祠堪建前堂懇乞給帖俯賜庶作興前賢
永垂不朽之光啓佑後人得衍如存之教等
情具呈到縣查得原地委果空閑擬合就行
爲此合行給帖付原呈人劉理等收執即將
字橋里楚大夫舊祠空地壹段東西沿口貳
丈伍尺南北入深肆丈准建韓隱士祠堂毋
得違錯未便須至帖者

本縣邑侯楊公高其行誼親子爲猶恐日
後無田弗祀特捐已俸買田百畝置農具
給牛種召佃耕種以供春秋祭田費以隆
國家尊賢之典永垂不朽又給銀一墊官地
陸分陸厘以助香火之資贈匾旌曰

東海真儒

祭田帖文

直隸揚州府高郵州興化縣爲置祭田以隆
鄉賢事照得

國家祀典原為崇德報功查得

樂吾韓先生以踐履為學有允蹈躬脩之實
以勸誘為教有化民及物之功委且崇報但
鄉賢之請雖尚缺畧而閭里之祠又肅瞻趨
若秩節不脩則風勵何勸本縣
賢之儀粗定享祀之禮而又慮
金買田百畝以供常典為狀
祠者收執照依後開派定田畝
種收割以供祭品俱無違錯未
以至上耕
以至帖者

紀事

中州武公玄仲。明季來蒞與邑慕樂吾韓
先生之風。鼎新祠宇。顏其坊曰雨花。更捐俸
若干。買祠後隙地。構堂三間。題贈二扁。一曰
與人為善。一曰樂在其中。每月逢三。率士民
詣祠。講心性之學。公訪先生嫡孫韓承祖者。
優給衣巾。俾奉厥祀。庠友王生字贊。篤學好
善。著修行路一書。公訂梓以行。管子遇春。還
孝友。齒德兼劬。公嘉與之。給冠帶。延賓筵。

使間里知所嚮往邑中士民咸頌公能勸善
作人亦愈被服韓先生之教不衰云



國家圖書館. NATIONAL CENTRAL LIBRARY. TAIWAN. R.O.C.

樂吾韓先生詩

五言絕句

自在吟其一

一段生生理天然妙莫窮許多人
不識錯用一生功

其二

萬事無心妙浮雲任去來天機原自在何用力安排

其三

一人一箇性一性一天機天機即太極太極
豈人為

其四

人人天地性箇箇聖賢心原不少些子何須
向外尋

諸生寫照

虛靈我心性天地我形骸寄語丹青客曾揣
此意來

五言律詩

春夜集草亭宗先生夜話

老去存吾黨歸來有藥欄譚深驚夜短坐久
覺春寒下榻論高義中孚起大觀茂雅通鄉
國逢君禮數寬

坐中呈宗九齋

幽居人事少投轄見高情坐看風花落閑知
歲月更青陽談外擲白髮鏡中生所以憂吾
道何來問友生

除夕

一歲今朝盡青陽明日過短檠隨地樂清興
語誰何細草春前見梅花雪後多悟來吾道
足適意起高歌

勉松泉陸孝卿

凡聖揔由心松泉莫外尋趙壁非為寶燕金
不足珍包羅天地大貫徹古今深養得這些
子時時惜寸陰

贈烈女宗一貞

海上有貞女存心不二天都來愁白髮誰肯

負青年不惜容顏老惟收晚節全人生皆有
死焉得好名傳

勉陸進之

尔質豈太魯吾心人可傳良知歸獨覺聖學
喜鑽研林梢懸朗月天際送輕烟合眼能超
脫埋頭一解玄

示董子儒

此學無多術冲容養太虛有私非入道無欲
始疑神周禮遵前聖春衣亦古人中流能砥

柱昭代有斯民

六言 二首

示沙子賢良知

萬理具在人心人心本有天則天則即是良
知良知不用思索

天機

天機觸處皆真性體流行是道揔然說得恰
好不若無言更妙

七言絕句

釣魚

釣竿凍破換新鈎望月觀雲數十秋不惜滿
瀟雙鬢雪此心惟在得魚休

又

求魚到處覓深溪覓得深溪不見魚想是錦
鱗藏水底謾勞釣線只空垂

勉羅鳳英

刺下工夫只見成天機到處自生生只憑此
意推行去家國何憂不治平

讀皇極經世

清虛寂寂原無我
太極空空未有身
一落形名聲色後
本來面目認誰真

觀太極圖

一畫絕生太極開
兩儀四象變三才
這回不向源頭悟
已落千流萬派來

清曉

東窓曉日送餘紅
象小晴光滿太空
閑倚衡門耽寐靜
梅花香煖送春工



七言律詩

辭程邑侯父母鄉飲

鄙野山人鄙野懷誰人誣我是賢哉既無孔
孟傳心學那有伊周濟世才性率烟霞踈禮
度心宜水月遠塵埃生成不是衣冠客蓑笠
漁樵歸去來

上太師李相國

紛紛車馬簇江城上相初旋畫錦旌麟鳳實
関天下望鶴鶴虛負海邊名山林廊廟心非

遠明德新民業已成剩有殘膏携滿袖願分
梓里潤蒼生

送凌侍御海樓北上

堯舜君民只此中此中微妙實難窮民風日
卜誰能挽道脉年來獨有功已見政聲高萬
古還期祿位冠三公 天恩此日潛龍起佇
看風雷徧海東

送任復軒之廣陵

羨君一劍事長游此日離踪不自由問道早

乘邦上鶴尋盟同狎海邊鷗共知蚤譽通千
里尚有佳言遍十州更酌滄浪一杯酒海雲
江樹意綢繆

送邑大父王淇泉應召

祖筮華蓋駐江皋琴鶴蕭然一敝袍漢郡攀
轅爭借寇虞廷側席正思陶棠陰日轉青城
合鳧影風懸碧落高願向五雲作霖雨早分
餘潤下蓬蒿

荅周合川別駕

望道憂民得幾人。乾坤獨立老師身。曾中得
失。渾無慮。腹內經綸。别有神。天地早知成大
塊。功名真見等微塵。隨時用舍心。何與魚躍
鳶飛處處春。

別許學博

來一琴兮去一琴。往來閒看世浮沉。山中有
客懸瓢去海上。無人振鐸音經國。手為栽菊
手憂民心。作種亦心。故園儘有高人趣。請自
吟哦酒自斟。

答理菴宗太守

太守歸來滄水邊。孤高常使萬人憐。囊無簿
俸堪供客。家有遺經啓後賢。朗月一天時
掬。清風千古為君傳。汝南月旦君稱最。洙
源流有孰先。

集李相國水亭

上相南歸綠野堂。下賢初舉李膺觴。名園
水依魚藻。禮座清華儼鳳章。海甸蒼生涵化

有

天朝禮樂藉施張東山誓喜留安石野服無
妨一揖長

新秋與劉子華夜坐

火焰初收海國涼碧霄華月夜連床隔林
鶴餘孤夢入座幽蘭動遠香悟得宵中無
物澄清天下豈多方丈夫出處原無定一
高歌對酒狂

答王東岩師

乾坤担子仲尼擔陋巷顏淵未必閑眼底莫
言行道易塗中應有問津誰三千共學門墻
下幾箇相隨陳蔡問他日週流天下去區區
端作御車還

與葛槐泉

人生安分且逍遙莫向明時嘆不遭赫赫有
時還寂寂閒閒到底勝勞勞一心似水惟平
好萬事如棋不着高王謝功名有遺恨爭如

顏巷樂陶陶

與魏東崗

虛靈半點不容添
性体空空萬善全
失友終無明道日
得師方有出頭年
淮南格物追前聖
越國良知啓後賢
所願昇平無我事
閑尋一段種瓜田

與劉朝裕

閑中別有小蓬萊
說與時人莫浪猜
明月一庭無酒賞
清風滿座有詩裁
求名心事時時

遠樂道襟懷日日開
誰識嚴陵高萬古
三公不換釣魚臺

與徐國明

學貫天人本一家
誠齋心地古根芽
成人成己皆由我
希聖希賢總是他
花鳥隨時供逸興
雲山到處寄生涯
乾坤靶柄君能執
鼓舞春風轉物華

示鍾子相

諸賢為學莫欺人
只要連心透骨真
暗室不

遺遐邇服大庭如味鬼神嗔伯夷身死心何
死顏子家貧志不貧了道胸中無一物吟風
春日出埃塵

勉感子思

偷個閑時取個歡莫將愁事鎖眉端進前担
子千言重退後階梯老大寬衆樂樂中非我
樂獨安安裏是吾安于今養得天若定劈面
風素也不寒

與王中和

樂虛尋樂在簞瓢天理常明欲自消風月
時隨玩賞聖凡同類要薰陶人如離道魚無
水士若希賢鳳起霄切莫苦誰隳大志遵堯
言行即為堯

野寺

野寺重過八月秋禪闌花本自生幽吟處
剎來醒眼坐外諸天在上頭正擬古今成
幻未論天地等蟬蛸吁嗟色相原無相

胡書載白牛

送秉西川

春風冉冉送西川，樂滿胸中月滿船。
獨倚閑窓觀草色，且從眼底看魚淵。
相期明善遵王化，大放襟懷了俗緣。
富貴功名身外物，肯將閑事擾心田。

遊江南

江頭遠雁沒寒空，一柱千年立水中。
雲物似非當日象，山河應是古非同。
蕭騷兩鬢逢秋短，綽約三花到處紅。
浩嘯乾坤吾獨老，千山

有盡興無窮

示龐文振

憶別東歸一葉舟，孤帆高掛坐中流。
聖賢有分隨人學，風月無邊任我遊。
道可行時還進進，事當已處且休休。
天機萬古原無息，人不知幾強去留。

與黎共臣

善日意忘機，便是狂涉心。
養氣亦閑防，詩腸酒興原無定。
水性山情，豈有常難道。
管窺能測

聖不須文字可升堂
妙用翻為拙一任
良知自主張

與孫玉峰

此身寄世若浮漚
底事朝愁與暮愁
名利兩關誰打破
聖賢一脉我能修
十分善處十分樂
百萬財來百萬憂
能進不如能退好
一瓢陋巷更何求

歸村

昨夜歸來月滿舟
西風吹動鷓鴣裘
扣舷可

作蒼生計長嘯時為吾道憂
孟子皇皇惟自信
仲尼汲汲更誰醫
病軀瘦骨衝寒徃
咲我蘆花亂點頭

寄朱準夫

溪邊靜坐看流時
萬古無停道在斯
妙處不容言語說
真機惟在自家知
源頭活潑運如
我人世奔波却為誰
徒念瘡痍無德洗
且憑風月和新詩

勉趙如蛟

好向盤銘悟日新日新不已作天民修身念
念存三省造道時時盡五倫堯舜事功還貫
日漢唐勛業摠成塵聖賢担子無多重着實
擔當做好人

寄徐子威

別來不覺半年過希聖希賢志若何富貴不
來休妄想聖賢未及莫蹉跎眼前世事只如
此身後年光若不多看破古今成一咲一雙
青眼莫模糊

簡李中秘敏齋先生

底事匆匆過釣其想應都為究心來迷時萬
里源頭塞悟後千年道脉開濟世恐非韓柳
學安民還用孔顏才傳家再見經綸手早溥
春風遍草萊

售居以償稱貸

今古乾坤幾換肩眼前得失不須憐兩間茅
屋更新主四海烟霞結舊緣世事浮雲無定
在人生何地不悠然廣居原是吾家物自古

求安愧聖賢

新春次東崖師韻

甲子推遷幾萬過推遷曾奈太虛何謾言有
我終歸幻若謂無心也着多正看梅開呈道
體又聽鳥語代人歌十年不著籬籬相賴有
寬閑天地窩

至日喜王近齋見過

有客乘舟月下來王逢長至共啣杯一陽初
動天心海萬物將萌地脉回若日梅元當露

放不時桃李待春開箇中消息憑君討好養
靈根結聖胎

與任海軒夜話

此地何人話此心惟君靜裏得天真有生肯
作尋常董叟世當為一人渠道堯夫真是
樂安負賴子不知青鶴憐私澌千年後仰止
高山正可親

送王湛

具眼觀來總是非紅塵大夢幾開眉百年身

世如斯露萬古興亡似奕棋風月無邊海
得聖賢有分在人為從今踪跡誰拘繫南北
東西任所之

贈觀女宗貞一

古今節婦有千千誰似宗門觀女賢一諾已
看同數日百年豈肯其移未獨請夫婦細常
車遂使存亡即義全最喜

貞書

飛海曲擬俾芳行續遺篇

答問三教

三教惟同一箇心此心無古亦無今放之充
塞乾坤滿歛則包含造化深孔子教人惟默
識曾參唯處要知音此般至理人人有莫向
三家紙上尋

次東崖王師韻

今古興亡流水過漢唐勲業竟如何自知道
大千鍾少誰識心空一芥多碧月光中同鶴
舞白雲影裏聽漁歌我家原在先天住不落

堯夫十二窩

荅韓西疇

脩仙脩佛任公猜一洗塵襟上釣臺佳興有
花隨地樂好懷無酒對天開草衣木食心初
定羅綺膏梁志已灰
明月逐時來

荅靜軒上人

著意求玄便不玄了無一物繫心田
力安排後誰識天機混沌前無說說詩為妙

說不傳傳處是真傳許多閉口忘言坐未會

些兒屬啞禪

挽孫節婦

不讀詩書識義真隨夫輕擲一毛身丹心貫
日輝朝野正氣關天動鬼神凜凜清風消俗
焰堂堂孤節起凡民若將冠蓋為男子準擬
皇家作鼎臣

寄二愛吾

聖學工夫在括囊時時精一細端詳七情不

動天君泰一念繞萌意馬狂竹徑清風孤月
皎松窓雪化早梅香良知孔孟傳心訣千古
遺人入道方

寄城中諸友

落葉驚秋祇自憐良朋佳會恨無緣莫教性
地生荆棘好養心田繼聖賢道德未全休歇
手工夫不進再加鞭無端歲月催人老一刻
千金勇向前

遊東南寫懷

歷遍東南訪至人飄飄雲水不沾塵芒鞋踏
破天邊月竹杖挑回海上春歲月任他催物
老乾坤隨我樂天真忍教人在愁中度喚起
沉痾共日新

有感

妻不賢兮子不肖不妨孔子不妨堯箇中消
息難言語就裡真機豈盡描草木點頭知我
樂江山無口咲人勞天清地濁何相碍風自
疎方竹自敲

送北部鄭三山

牛刀袖裡且藏收小試江南數十州甘露洗
清千獄怨和風蕩散萬家憂希賢愧我循階
級造道知君極品流天賦雄才當世用早期
伊傅事封侯

湖上訪朱靜菴老子

世人皆以孝名公蚤譽蜚聞遠莫窮我亦躋
攀瞻几杖蒼生何幸仰人龍庵中習靜涵心
訣湖上持身道益隆誤子傳家性老弟庶永

鷓結任飄風

勉朱華夫

一條直路與天通只在尋常日用中靜坐觀
空空亦物無心應物物還空固知野老能成
聖誰道江魚不化龍自是不脩脩便得愚夫
光霽本來同

出遊

跳出樊籠打破空一身漂泊水虛中心忘物
我先天合性恬淡萬緣造化同兩袖清風揮宇

宙一肩明月任西東
輕輕展足乾坤內
聯通
千山興未窮

閒居

五十幽棲碧海東
三韓踪跡已飄蓬
心參太極極無極
性悟真空空不空
萬有渾融方寸內
六經包括一丸中
能將此意沖開後
遍滿乾坤作化工

寫懷

固守衡廬六十春
憂民憂道不憂貧
囊中合得回生藥
世上尋堃惜命人
肯服一丸躋聖域
能超千古出凡塵
願期天下歸王化
堯舜為君堯舜民

挽朱靜菴孝子

漠漠愁雲暗遠天
哲人逝矣重堪憐
九年廬墓堅金石
半世安貧樂聖賢
喜有詩書能啓後
况多名行足光前
思君此日情難盡
愁對東風聽杜鵑

送儲翠峰移家海上

何事遷居住海濱
祗因希聖擇賢隣
忘年已見求仁切
舍已應知好善真
一刻陽生初破臘
萬方雪化始回春
民風日下憑君挽
立起中流砥柱身

哭趙子實

敲殘幽徑珮環收
淚滴瀟湘可自由
不見月明翻亂影
忽聞風度動閑愁
虛心許汝希前哲
勁節憑誰振濁流
此日喪余空有慟
湖東無復問行舟

與東村

世路多岐未許遊
淖休休處且休休
人皆爭跨揚州鶴
我獨閒觀海上鷗
千古空談追孔孟
幾人端的傲王侯
乾坤斯道誰還繼
天地寥寥草木秋

荅友二首

直指先天一脉真
此真真處口難陳
若言默會終成垢
繞說思通也落塵
不識不知登道岸
無聲無臭會心神
此中得手超千古
莫做

回頭顧孰人

又

人為天動兩紛然 却人為就是天千聖難
傳心裡諫六經未了性中玄生生化化無今
古見見成成豈後先萬象森羅懸一鏡分明
都在兩眸前

贈劉浚善

贈別無金贈以言言輕何以答君賢齊家必
自脩身始治世還淺睦族先富貴牛毛空

眼聖賢麟角已千年君行莫作尋常事斯道

于今賴汝傳

歸來

歸來日日對羲皇豈為浮名薄利忙我倚衡
門看失馬人泛岐路覓亡羊有書悟道貧何
害無病傷生瘦不妨三聘不移耕叟志聖賢
出處豈尋常

送林白宇

送汝南歸道心南仙舟棹月楚江寒心傳洙

泗情無限袂判河梁淚未乾遜志欲堅時敏
力洗心先滌日新盤老夫切切叮嚀汝莫向
閑居習宴安

寄王雲衢

率性工夫本自然自然之外別無傳閑携童
刈歌沂上靜對沙鷗狎水邊物物性空無內
外人人心廓自方圓清霄散步林泉下滿眼
光風霽月天

樵歌五首

漁溪太極圈

其五

老去漁樵不愧天虛靈一點絕塵緣能謀富
貴寰中客會領烟霞物外仙且飲三杯歡喜
酒不爭一箇皺眉錢堯功舜業浮雲過底事
人生不自然

寄翟南溪

千年樣子幾人知愛爾擔當事足竒聖學幾
時曾間息人心只是苦支離晴空度鳥須當

悟世路多岐莫頓迷一片浮雲千里外不知
何以慰幽期

贈孫迎樓

柴門無事日優游靜裡惺惺暗點頭萬古聖
賢非我繼千年道脉是誰謀理從欲盡源頭
覓身向心萌念處脩些子機關如會得清風
高節異凡流

又辭鄉飲

生在田園老在丘此身無分謁王侯三冷

東海漁樵萬事休更無半點愧心頭開懷天
上一輪月適興沙邊幾隊鷗卧月眠霜真自
在披簑頂笠也風流古人立志皆如此飲水
甘心不世求

其二

求人求已兩皆求求已工夫面不羞自覺曾
中空宇宙那知世上有王侯朝觀鷗戲清波
上夜聽龍吟碧海頭簔笠隨身樵斧在任他
風雨我何憂

其三

年老家貧子尚嬌
適遭荒歲豈辭勞
不如伊尹輕三聘
且學顏淵樂一瓢
帶月樵山隨野鹿
披雲釣雪看江湖
胸中無價明珠在
誰道吾家不富豪

其四

百歲饑荒有幾年
工夫到此好加鞭
楞楞瘦骨撐天地
凜凜冰心繼聖賢
道合乾坤生死在
眼同日月古今懸
放開百尺竿頭步
踏破

食心常足一片荷
衣志已休立已立
人行
佛希賢帝聖度春秋
山林真道無寶飲水月
林花足勸酬

九日偕魏從善登拱極臺

重陽佳節莫虛過
况值朋儕樂事多
綠酒滿斟青盞飲
黃花斜插白頭歌
眼前世事應難盡
身後光陰更幾何
握手與君開笑口
任他歲月自消磨

喜王懷山過訪

湖水悠悠放棹來良辰聚首咲顏開暫舒海上烟霞眼愧乏曾中風月才道大自然輕富貴心空隨處遠塵埃人生碌碌成佃事願得同君上釣臺

贈金成齋

知君端不為魚來愛月垂竿上釣臺歌一首詩空眼界飲三盃酒壯襟懷隱微自有良知覺成敗皆由造化裁識破榮枯隨我樂乾坤誰肯學顏回

勉顧朝元

我來抱月東窓臥君莫回頭望釣臺應物無心常淨境閉關有欲摠塵埃莫教虛過容春云且要修身入聖來寄語昭陽二三子千年絕學細心裁

元日示顧守堅

闔闢乾坤萬萬秋淵源道脉古今流一元造化三陽日滿眼天機百草頭富貴已知無我聖賢端的在人修假仁為霸千年陋真偽

關頭仔細求

勉劉守恆

道即是心心即道事中求道莫他尋有人喚
我隨開口無事觀書又養心悟得天機原寂
靜肯隨流俗任浮沉縱然日應千頭事只當
閑禪一曲琴

過韓善士祠

蘆河解貞

生平道氣逼交遊盡屬荒城古廟幽
像貌窺人如色咲金爐着火供春秋
當時桃李稱多樹此日門墻拜俊流
我欲論文遇知己可能重識舊荊州

哀東海處士樂吾韓公

潛虛陸西星

東海有畸士卓然欲希聖妙悟惟一心
聞見無自性從師走東越徃復多印證
聞風一時興門弟亦何盛千年振遺響
木鐸聲甫靜偉

我陶究人崛起遠相應瞻依傍宮牆掘趨入
門徑造詣已居深矩步率先正一體解同觀
三昧可無諍化俗有恒言固窮見危行宰官
式門閭兒童識名姓以彼弘濟心天下可乎
定祇懷孔孟憂惶恤堯舜病斯人忽已逝顏
風日無競后學失歸依大事誰究竟傷哉棄
我去何以慰不佞

哭樂吾先生二首

復軒任性

別後還期宿恙瘳驚聞飛訃到揚州交情不

子真胡不千年存此身令我後生日日新
鳳文燦金闕龍光燭玉宸隋珠人所奇楚璞
世所珍君不見城東祠屋畱明月絃誦長年
好春

謁韓先生遺像

宏齊宗度

先生實學體真傳滄海名高著有年儼若行
藏瞻德性端然語默象仁賢心澄霽月懸雙
戶道在春風霽四筵入室共聆希聖訣良知
此外更無言

謁韓夫子祠二首

潤海徐霖川

如綫一脉杳千年海上何從覓聖傳
心是孔顏方寸印教宣濂洛口中詮
不知老至曾弛擔忘却貧來轉着鞭
木鐸空留餘韻在沉吟幾和倍淒然

又

蓬累修真七十年居丘衣鉢此真傳
直從自性尋根蒂不向遺編拾唾詮
耕鑿樂天甘飯糗輟環濟世欲加鞭
高山無路從趨步仰止

樂吾韜先生遺稿跋

不信燥發時先生已登雉壇
主茲學者盟約矣垂髫始覩
丰范蓋觚冠裛服古貌質容
宛然所繪屨父程朱也者迨
不佞披章縫先生蜡賓於序
與邑大父貢揖分庭督學使

者幣羅而執聘焉稍稍艷慕
之然而猶有童心不即北面
講座及浸剖竅識將捧雉修
而先生已厭囂遽覺矣顧先
生雖掩鳳儀乎而徐行嫻辭
煌如星日不傷時時嚮往古
有私游艾者殆不傷其人歟

茲誦先生鈔造言言吐心恍
然洙泗正脉字嘖句咀低回
不忍釋云不佞昔覩先生之
面今始見先生之心矣較倖
博一第獵翰攘濃毫寸無俾
於世者先生直腐鼠盱之

淮南後學黃大成頓首頓首謹跋